





碧山堂詩鈔卷三

玉屏田榕端雲甫著

門人洪其哲明也編次

上巳後一日即事

一榼芳醪古渡頭川原風物望中收  
青莎霍靡初過雨碧水空明不下鷗  
修禊底皆逢禊日嬉春常是惹  
春愁明朝何處花多處載酒重期攬勝遊

山居即事

曉來微雨過永晝愜幽心  
燕語簾階靜雞鳴村巷深  
蒲茸初刺水竹箭欲攢  
林行飯從容處松蘿逗



暝陰

首夏絕句二首

麥氣清和首夏天  
爐熏琴薦穩高眠  
偶憐入饌三鷺好  
夢落江湖掉小船  
上番竹迎婪尾花  
一天嫩綠影交加  
從來夏淺勝春日  
典却春衣問酒家

雜感和曉先郡伯三首

乘興東遊憶昔年  
竹頭堦子櫺頭舡  
最憐住近蓬萊處  
小顆櫻桃紅欲然  
長憶金閭亭下泊  
誰憐慘綠少年時  
吳娘暮雨滿

瀟曲翻入青青楊柳枝

月上航舡拔碇開  
海天作客首重回  
錢塘門外潮千尺  
卷入西興暮雨來

坡公有次孔毅父雨詩三首丙申六月予由

黃平至白泥時正苦旱已而甘霖大降農

望既欣道暘亦起爰用其韵亦賦三章聊

以誌喜且消永晝示廖亦揚同作

鬼國漏天苦雨溢三日諺語未云失

黔中諺云天無三日晴

竭來災官忽作惡  
火繖高張爍百物  
矯矢無電笑不生  
阿香有車推不出  
農望徒殷苗欲槁  
道暘堪



憂漿莫乞銅定山靈詎有靈黃人無乃輕唐突餘  
民捧經尤不經咒龍下鉢豈有佛土龍泥鶴乞靈  
多能司雨旱何等秩雨暘時若不亢沴天意從來  
民是恤溝洫高下異蓄洩農力勤惰翻不一千畦  
分灌一朝足家有桔槔戶龍骨修築不急向堤堰  
怨望胡為守蓬蓽咄嗟天公偏易格萬里號屏駕  
可屈冠雲纜喜黑東南水鶴旋聞出戶室豈惟西  
成冀豐穰猝與災天洗蒸鬱從此人賡傳說霖無  
復天憂趙盾日  
原田龜兆磳砂礫溪澗斷流不盈尺黑蛟淵躍蟻

穴封片雲頭上滷如墨天瓢滿注馬背傾此雨奚  
帝黃金直晨朝早燥夕滂沱天意如茲渾莫測祈  
禱固無影響應監觀豈有視聽隔空堦滴瀝響欲  
斷蟋蟀乍驚催夜織暑猶未終氣成秋泥已漸乾  
人脫履秋陽復恐愁亢烈焦土昨虛憂漂溺始悟  
力田欲逢年未須盡冀天公憐昨報水淺不上堰  
人事何能求其全雨後築捍易為力陂水詎棄涓  
滴泉綢繆如踈事祈禱何用省此屠沽錢車庠筮  
導努爾力豐凶由我寧關天勸農使者苦勸勞延  
壽日影沒級磚

延壽城外寺名



雷車碾破義輪出陰晴百里天不一天早早作抱  
瓮計歲晚不憂懸罄室四方兵旱塵 宸衷西征  
萬馬驕啣膝廟算遙聞出萬全潢池小醜敢馳突  
雨洗甲兵不救荒譬如亦作疥痂疾黃昏蓬草喧  
蚊雷兒童笑指紅霞開我願諺語無復驗諺有暮  
霞走千  
語之西成無使農夫哀農夫收秔吾收秔爾飽釜  
甑吾啣杯

立秋夜月忽雨

落葉驚飄金井桐磨鑣新月挂層空秋聲一霎起  
何處雨打西風拉瑟中

寄潘南垞吉士

黃葉村莊水竹居倘徉即鹿共溪魚此生自分扶  
犁手鄉里真宜下澤車濁水清塵天外隔碧雲明  
月望中虛相思剩有黎陽土封得迢迢一紙書

秋風

秋風淅淅吹我衣霜露滿天梧葉稀誰家庭院砧  
響急何處江村雁啖微瘦骨寒驚凜歲暮冰絃調  
古傷知希我所思今在遠道落月停雲兩是非

聞蜀小警二首

見說農歌驛傳烽邏此城跳梁從小醜席卷看天



兵茭粟勞飛輓攬搶會掃清蠶叢憂鳥道終待奠  
夷康  
西極連青海烽烟起塞雲錦城飛羽檄隴水入官  
軍玉燭調元化朱常掃逆氛遊魂才幾日露布四  
方聞

近聞二首

妖孽餘氛在 天書尺一聞漢番交牧馬書劍互  
從軍鼓角吹邊月招搖晃陣雲請纓與投筆誰許  
策殊勲  
不少平戎論孰堪出塞行老成身許國吾愛趙營

平方略金城著丹青漢史榮邊防知不廢望古重  
含情

梅花

瘦骨竚孱不自支朝來添得雪為肌玉環已媿風  
吹後飛燕猶慙仙去時

探梅

風雪瀟瀟繞斷厓探梅直到水之涯青衫烏帽紅  
藤杖畫却無人意自佳

大雪韋齋即事

雪花掌大止復作日暮惱亂鵝鴨羣凍禽塌翅不



飲啄老樹著花忽繽紛鍾岢謾用議鮪蟹韓子底  
許譏羶葷三盃郊困正未醒園官菜把供殷勤

早春山行

水曲山均徑欲迷樹痕著雨暖烟齊人家籬落知  
何處腦膊一聲報午雞

春晚出遊

雨歇荒林笑墊巾勞他春喚報殘春麩塵楊柳裙  
腰草苦向青袍巧鬪新

憶浙東舊遊二首

曾採湘湖雉尾萼絲絲上箸爛於銀而今回首西

興驛已是楊花五度新

夢想千巖萬壑偏金堂石室小遊仙如何飯飽娑  
拖處射的遙愁一點元

柳枝詞

黃金縷亞麩塵絲婀娜春風二月時喚起羊家張  
靜婉向人未許鬪腰肢

山居雜興六首

活活桃花水春殘不隔旬溝渠分燕尾泛溢滿龍  
鱗過雨宜挑菜垂江有釣緝紅鮮為吾有傲殺庾  
郎貧



碧山堂詩錄卷三  
拘束吾何有幽偏地始經林光過雨白石氣入雲  
青伐竹編笮簪牽蘿補戶庭鄉人談瑣事娓娓最  
堪聽

茅屋皆三脊蔬畦不一區安胡次是雪竹葉滴於  
酥菜甲還供摘蓴絲未恨無何須笑蟬腹有幸飽  
山厨

世事何須問山棲應更疎勤惟澆藥圃暇便課農  
書人合田車外村喧社鼓餘翻嗤京洛客夢裏着  
衡廬

筇竹交頭拄門闌眺望奢水浮文蠲動峰學黛眉  
斜歌起鳥鹽角杯添婪尾花光陰難把玩爛醉是  
生涯

緩步近何如山行可當車田園三月景水竹幾家  
居土銼燒新笋沙蟲飼小魚人生商事業只合狎  
樵漁

江上

魚苗春漲柳絲風窈窕烟江態不窮輸與酸寒孟  
東野扁舟射鴨竹枝弓

溪邊晚眺

數峰雲際遠參差一曲清溪愜所思小艇開頭又



繫處歸牛浮鼻蓼香時接林渚鳥翻飛早隔岸烟  
鐘響度遲妙訣徑煩洪谷子谿山粉本更相期

蠟梅舖

三丫茅屋幾家居冰雪崢嶸歲逼除不負偏提相  
挈好蠟梅香裏度籃輿

野步

小踏歸牛逕閒探去鳥蹤憑誰拈妙筆淡宕寫雲  
峰

蔬食

紫拳者蕨黃耳菌馬齒之莧鴨脚葵撐腸一飽無

不可持梁刺齒定何時

初夏

清和節候恰新晴行飯行還行藥行魚子經旬憐  
未出瓜苗過雨羨初生桑飼蠶箔猶殘葉水落秧  
田是好聲景物眼看遽如許拈來聊喜一詩成

閒居

柴門斷客晝長閒多事長鬚為掩關踵息一庭無  
野馬卧遊四壁有雲山雨滋藥蘚生機滿水漲池  
塘舊觀還鷺鴨拍浮魚喁噏韶華領略一壺間

三上都門偶書二首



露宿風餐飽慣經勞人歲月短長亭百年天地餘  
詩卷萬里雲山八酒瓶放浪形骸聊作達飛揚意  
氣且教停滔匕一線苴蘭水直送征帆渺洞庭  
歲序淒其欲暮天塞鴻嘹唳滿前川別離北浦愁  
南浦悵望新年改故年江上春風爭旦夕葦間漁  
父信延緣勞生得息知何日白石常羊供醉眠

舟發

一線牂牁水東流復向東扁舟醉扶興萬里邈凌  
空湖海雙鷗鳥乾坤一釣筒滄浪有漁父吾意得  
無同

鷓鴣灘二首

沅江江水滑琉璃臨泛偏宜打槳遲何處灘聲最  
愁絕大鷓鴣與小鷓鴣

沅江滾滾流何急楚客悠悠思不窮羨爾風標兩  
公子粉絲閒颺浪花中

澈浦道中阻雪

溪行路不極風雪况瀟瀟林影殘楓柏人烟失浦  
橋村醪沽未得官炭暖全消天地無人跡孤舟謾  
寂寥

雪泊辰溪



露宿風餐飽慣經勞人歲月短長亭百年天地餘  
詩卷萬里雲山八酒瓶放浪形骸聊作達飛揚意  
氣且教停滔匕一線苴蘭水直送征帆渺洞庭  
歲序淒其欲暮天塞鴻嘹唳滿前川別離北浦愁  
南浦悵望新年改故年江上春風爭旦夕葦間漁  
父信延緣勞生得息知何日白石常羊供醉眠

舟發

一線牂牁水東流復向東扁舟醉扶興萬里遶凌  
空湖海雙鷗鳥乾坤一釣筒滄浪有漁父吾意得  
無同

鷓鴣灘二首

沅江江水滑琉璃臨泛偏宜打槳遲何處灘聲最  
愁絕大鷓鴣與小鷓鴣

沅江滾滾流何急楚客悠悠思不窮羨爾風標兩  
公子粉絲閒颺浪花中

激浦道中阻雪

溪行路不極風雪况瀟瀟林影殘楓柏人烟失浦  
橋村醪沽未得官炭暖全消天地無人跡孤舟謾  
寂寥

雪泊辰溪



沅江東下路迢迢暫把清樽慰寂寥碧水丹山看  
不盡一天風雪吼瀟瀟

石壁刻有碧水丹山四字

瀘溪口

放溜瀘溪口楓殘雪未消再成山又罷不了樹交  
梢新息功誰憶盤盤勢敢驕荒唐僕鑒髻笑指武  
峰遙

辰州早發

初日看消雪奔灘聽轉雷橈聲一鴉軋客意幾徘徊  
忠信平生志波濤萬古哀壺頭緬遺跡霧潦鬱  
難開

即景

晶晶沅江一千里舵樓晚飯峭帆開青山曲逐清  
溪轉明月巧從斷嶺來

穿石巖新息祠

擊汰臨穿石危崑百仞中伏波遺廟在怪古幾人  
同銅馬式猶昨武溪曲已終却思少游語颯颯起  
悲風

水心崑

江心突兀江心閣徑絕風雲指顧生大地孤撐天  
一柱上方高照月三更紫藟碧草非人境翹鷺眠



鷗少世情瘦竹一枝雙不借何時閒客此閒行

過桃源

摇摇笈舫五溪濱何處桃源閱好春寄語南陽劉子驥於今未是捕魚人

將至武陵

楚山兩岸碧嶺晚落日篷窗徙倚看鹿角郵籤相報處已過三百六十灘

崔婆井

在昔張虛白南來卧白雲依稀深洞口草木遠塵氛酒共餘杭兌詩如東老聞如何仙井在未許醉

斜曛

武陵道中

棹近桃源儼畫圖浮雲世事此間無魚從漁父舡頭問酒向崔婆井畔沽仙子洞深無晉魏竹枝詞好是巴渝舊遊彷彿驚心處花待葳蕤柳欲蘓

渡荆江

虎渡龍洲此問津楚天萬里接峩岷大江東去悲行客北雁南來似旅人萍實烟荒遺斷梗渚宮潮沒蹇芳蘋昭邱未遠章華在回首空臺一愴神

荆州詩北雁來南國依依似旅人



荆州二首

形勝千年控上游大江東下洞庭流文章九辨曾  
悲屈割據三分且失劉秋雨蕭條庾信宅春風寂  
寞仲宣樓沙暄草暖斜陽外獨有江南種橘洲  
魚枕浮香且罷傾登臨憑吊有重城鯽魚忝竊英  
雄輩息壤猶興雷雨聲三尸衣冠遺舊壘二王臺  
榭委荒荆枝陽閣浦蒼茫裏九十九洲空月明

湘東王  
及高氏

襄陽咏古十首

州府難邀塵外蹤龐公隱室盡層松漁梁渡口風

流在上冢歸來起暮鐘

鳳雛棲息曾江沔龍卧連蜷復此間烟靄蒼蒼望  
不盡隆中山接鹿門山

沔江南向景升臺遠日蒼蒼曙色開慙愧兒郎笑  
豚犬秋風空唱野鷹來

陵谷消沉那得知漕通零桂後人思可堪無限征  
南略不見當年手泐碑

峴首嶙峋太傅祠楚人餘淚至今垂公名鎮與山  
常在湛輩區區不淺悲

谷隱山前訪隱淪山光鬱鬱水粼粼茫茫四海知



何限苦向襄陽憶半人

白銅鞮唱聽堪愁鴨綠遙看漢水流徒有習家酒

池在搖鞭不見葛疆遊

槎頭縮項出槎新鮮美應過內史尊落日萬山幾

回首春風不與孟家隣

姪姹桃林接鳳林楚關要害楚江深音同意別愁

難學遊女來聽上堵吟

漢臯浦解神女珮宜城酒醉大堤詞襄陽愁少襄

陽樂北客來遊知不知

葉縣

醴水停征轡蕭條感廢蹤地飛王令鳥人好葉公  
龍仙意滄洲遠塵心古驛重浮生正役役何處晚  
來鐘

淇縣

淇水重過津未迷雪殘驛路愛晴暉一篙春漲晚  
來綠拍拍鴛鴦逆浪飛

滎澤渡河

濁浪掛空天倒流清時擊楫且消憂龍門直下波  
千里豎子成名土一邱百戰雄風臨廣武中分遺  
恨失鴻溝紛紛楚漢興亡後惟有年年雁啖秋



馬上偶成絕句

春光九十到匆匆，火迫天桃逗小紅。  
破帽殘衫酒旗市，那能容易向東風。

豫讓橋

國士橋荒吊未殘，報恩贏得等閒看。  
一般君友千秋誼，只有青萍事較難。

次涿州

東風吹入柳絲青，抖擻征衫酒莫停。  
萬里長安當日下，一聲風角短長亭。

送宋西莊歸商邱即次留別韻

秋卷逢君擬共溫，却憐過夏少過存。  
詩吟歸燕看時輩，人踏槐花戀舊村。  
世業韋平經在抱，故山耕釣事堪論。  
淙波一棹西陂路，後夜相思役夢魂。

送同鄉諸子歸里

大江南渡北洪河，匹馬關山幾處過。  
蓬梗即堪飄泊慣，蒼茫其奈別離何。  
人傷和氏三年淚，自聽韓娥一曲歌。  
恠殺春明門外路，行人去盡柳枝多。

偶作示劉孝升

光風轉蕙疾初平，遲日聞鶯句偶成。  
作客幾經新舊歲，離家暗數往來程。  
青山黃鶴飛飛遠，白日緇



塵去去輕夢落江湖君不見輕雷歷碌殷車聲  
同無悶諸君遊白塔寺前後就廖亦楊小飲  
提壺勸客雨初晴興發何妨荷鍾行門巷驚心垂  
柳暗亭臺照眼逗花明低昂畧欲區齊物得失無  
煩問老兵我輩十年矜作達藥鑪歸去養殘生

小病書懷二首

傷別連朝復借春鶯黃官柳著行新情鍾洗馬言  
愁日瘦盡東陽姓沈人水逝山藏勞歲月車煩馬  
殆倦風塵晚來獨立蒼茫處不為長歌亦損神  
浮萍踪跡賈胡留三十真成欲白頭老大鬚眉頻

覽鏡黃昏風雨一登樓故人幾輩施行馬陳迹長  
年踏磨牛骨相書生轉堪笑往從唐舉問封侯

高梁橋即目

高梁橋畔試春衣寶馬爭啣白玉韉莫怪踏青人  
似蟻楊花似雪已紛飛

送陳仁斯出塞

丈夫志許國誓不避險艱妖氛煽沙漠悲笳慘陰  
山天子大捷伐激動壯士顏靈旗指初聞長纓  
請爭先陳君起東海風義天下聞小醜看跳梁長  
劍撫怒嗔毳帳羅醺漿敢畏眠且餐芟藹効輸輓



親故勞留攀漁陽二三月天氣恒冱寒日斷碣石  
鴻迴影青冥間意氣一奮發天地為迴旋青門列  
祖帳草虫花競然戎衣壓弓刀匹馬出邊關六師  
神且武矜聽凱歌還攬槍掃西極顧盼雄北門布  
衣諸生耳祭酒尚勉旃虎頭飛食肉封侯骨相存  
男兒重義氣異姓為弟昆夜闌更秉燭為君罄盤  
殮臨分重叮嚀激切披心肝願及少壯時無昵兒  
女懽努力事戎行邊境何足患歸來紀勲名功在  
衛霍前

再送仁斯一首

羽書猶未罷西征游子朝來出塞行遠道深憑駭  
足健柔莎更送馬蹄輕未容卜式先輸粟略比終  
軍効請纓露布恐煩書聖手莫教投筆太狂生  
工行楷書酒間有  
投筆之笑故云

苦憶三首

京華旅食過春風芍藥叢叢照眼紅苦憶蹩躩飛  
蛺蝶邨莊十里菜花中

長楸走馬五花文意氣少年各不羣苦憶江村看  
放鴨眠沙泛浦白於雲

杏枝柳葉過清明多少人家喚賣錫苦憶青山環



丙舍如拳蕨茁笋芽萌

為劉鐵笛題其尊翁隱若山居圖四首

嵩雲山下魚梁路一帶幽人水竹居萬壑松風千  
仞瀑風床散帙意何如

枳橘緣籬竹遶村雲峰列案水侵門樹根秋老讀  
書處昕夕微嫌鳥語喧

參同契證無生話酌醴焚枯寡世營不是空山癯  
道士便疑天竺古先生

隱居荆楚歲時異苦節襄陽耆舊參膝上倘添文  
度坐竹林應勝阿戎談

為謝袞題負米圖 謝石城人

海水爭飛日烽烟嶺嶠深斷崖猿臂挂暴客虎牙  
侵負米輕千里循陔剩此心依稀有木客落日助  
悲吟

午夢

熱客過應嘲襜襖紅裙飲復厭腥葷爬沙蟹與團  
沙雁夢向瀟湘水際聞

和義山先生移居 時自山左里居來京

借載還憐東野家寥寥家具少於車出山共道如  
安石遁世寧須效子嗟北閣參差金爵迴西山髮



鬢綠鬟斜循環舊館園亭敞牡籥重開翫月華

為同年陳質夫故居

為宋蘊奇翰林題吳璉畫馬圖即送其歸商

邨

江都曹韓不可作人間畫馬徒區區吳生何年拈  
秃筆掃此驂騮絕代無披圖騾裹有四馬使我意  
氣雄千夫風鬃霧鬣龍翼骨胸裂怒虎首渴烏天  
生神龍別有種意態豈與凡馬俱吾聞蒲梢產大  
宛尾梢流星口噴珠善馬開邊有漢武離宮首荷  
夫豈徒又聞八坊屯汧渭開天之間富廐奴玉花

驄與照夜白黃奚官向殿庭趨吳生此馬窮殊相  
駮躍豈類轅下駒何不突出橫門道橫行萬里追  
飛菟不爾且覆香羅帕立仗帝閑耀皇都徒然散  
地此棄置驕嘶顧影胡為乎翰林愛馬有馬癖腰  
間短劍纓曼胡抱持此卷急示我明發秣馬將馳  
驅我且翦刷且拂拭絹素慘淡心悲吁豈少鹽車  
九折坂亦有鼓車八達衢羈馱刻烙待控駕紛紛  
且聽紫燕愚此馬神駿豈多有黃金白壁誰當沽  
安得贖獻穆天子籥雲追電無斯須歎沙歎玉鳴  
得意騰趨西極歷崑墟華屋棗脯良非願八鑿六



轡寧爾圖俯首肯向駑駘輩長稽短豆飽須臾嗚  
呼此馬有如此送君晨風首修塗翹陸歷塊躡恍  
惚飛龍追趨天馬呼

聞陝西奏捷

洗兵雨過靖邊埃露布紛馳驛道催萬里傳烽連  
馬邑經時逐北向龍堆諸公廊廟昇平頌上將河  
魁捷伐才肯讓元戎寶車騎燕然駐馬勒銘迴

八月晦日和郭于宮

客中無日不思鄉解事天公用意長直恐登臨愁  
望眼且停風雨作重陽百年幾值中秋閏八月重

迎玉露涼洗盞謾消今夕永來朝清淺挹蟾光  
月八

漫興

突甚漁陽騎天山雪打圍臂韞鷹轉疾櫪秣馬初  
肥袴褶縛常好堦鈴舉近稀長楊還羽獵侍從幾  
人違

將出都門留別陳子翮張天池蔣元素潘南  
垞諸太史董千若進士四首

十載東華蹋軟紅鞭絲帽影往來中悲歌燕市  
屠狗零落淮南舊桂叢歲月來鴻泥漫滿河



纒寧爾圖俯首肯向駑駘輩長稽短豆飽須臾嗚  
呼此馬有如此送君晨風首修塗翹陸歷塊躡恍  
惚飛龍追趨天馬呼

聞陝西奏捷

洗兵雨過靖邊埃露布紛馳驛道催萬里傳烽連  
馬邑經時逐北向龍堆諸公廊廟昇平頌上將河  
魁捷伐才肯讓元戎寶車騎燕然駐馬勒銘迴

八月晦日和郭于宮

客中無日不思鄉解事天公用意長直恐登臨愁  
望眼且停風雨作重陽百年幾值中秋閏八月

迎玉露涼洗盞謾消今夕永來朝清淺挹蟾光

閏時

八月

漫興

突甚漁陽騎天山雪打圍臂韝鷹轉疾櫪秣馬初  
肥袴褶縛常好堯鈴舉近稀長楊還羽獵侍從幾  
人違

將出都門留別陳子翮張天池蔣元素潘南

垞諸太史董千若進士四首

十載東華蹋軟紅鞭絲帽影往來中悲歌燕市今  
屠狗零落淮南舊桂叢歲月來鴻遠遘雁關河夕



照起秋風帝城省識相招意多力從教謝子公  
秋水柴門老樹根讀書最憶去年村豆花乍歇濛  
濛雨瓜蔓微添活活源種菊籬邊拋藥裹撈蝦野  
外就匏樽草堂無恙山靈在回首真愁怨鶴猿  
易水悲風未肯平如聞宋意唱高聲悲歌慷慨愁  
千古歷落峯嵒笑此生盤馬春矜芳草細呼鷹晚  
趁角弓鳴誰憐來往邯鄲道獨逐明駝隊裏行  
東京俊及忝同遊意氣殷勤感去留尊酒論文才  
得細關河泛梗幾時休濛濛細雨槐花驛漠漠輕  
烟杜若洲回首都亭分贈處相思不盡楚天秋

藥城阻雨示同行友

滹沱朝問渡風色暗通津  
灰洞行方苦龍潭雨又  
頻形容催我老意氣感君真  
勞者歌休聽他鄉易損神

晚行絕句二首

烟村行盡不聞雞徑轉溪迴欲杖藜  
暮靄寬然落巖壑太行山色夕陽西

青山向暝夕陽明穩跨青驢得得行  
一路草風莎雨裏酒帘搖颺板橋橫

保定城西樓眺望



東山堂詩鈔卷三  
二十  
縹緲城西百雉樓  
河山保障帝王州  
星訛烏尾寒  
哀角日射龍鱗動  
綵旂赤緊懸連三輔  
壯膏腴壤  
接萬家秋日邊  
翹首紅雲在不負清時作旅遊

定州道中

國古中山舊途今  
萬里長紅磁暫相試  
綠雪倍生香  
好在晨風得謀空  
負海妨興亡那在眼  
憑吊滿斜陽

過趙州

雨伏風闌未肯休  
窮冬風景接殘秋  
飄飄未跨琴高鯉  
破帽疲驢過趙州

邯鄲道中

學步橋頭雨裊塵  
邯鄲道上淚沾巾  
誰憐薄笨車中客  
都是黃梁夢裏人

雨過沙河

凍雲釀雪鷹初擊  
衰草粘天雁不過  
老馬障泥惜未得  
漫天風雨渡沙河

渡漳河懷古二首

驅車鄴城北  
寥落望三臺  
金井委秋露  
瑤階被綠苔  
三分炎漢業  
七子建安才  
都付香姜瓦  
消沉一寫哀



縹緲城西百雉城  
山小如掌  
三川星說烏尾定  
哀角日射  
三朝壯  
接萬家秋日  
遊如  
在  
時  
旅  
遊

定州道中

自古中山為進今  
香好枉晨風得謀空  
斜陽

過趙州

雨伏風開未  
高鯉破帽疲  
迎

邯鄲道中

學步橋頭雨  
中客都是黃梁夢裏人

雨過沙河

凍雲釀雪鷹初擊  
未得漫天風雨渡沙河

渡漳河懷古二首

驅車鄴城北  
蒼三分炎漢業  
七子建安才  
都付香姜瓦  
消沉一  
寫哀



一片漳干月流光清復清誰憐歌舞處不見綺羅  
情總悵飛黃蝶銅臺蔓紫荆却教耕牧地長說魏  
家營

衛輝道中雜咏

衛河盡日愛晴暉百里蘓門入翠微遙想百泉一  
濯足征夫澹蕩欲忘歸

汝寧道中

宿雲乍歛雨初晴漠漠平林鳥一鳴楚北襄南分  
望處好山無限黛眉橫

碧山堂詩鈔卷四

玉屏田榕端雲甫著

門人洪其哲明也編次

武勝關

雄關東踞百層巒落日驚聞鼓角殘險阻山川連  
虎穴逶迤道路見蛇盤昇平未敢論形勝表餌寧  
須策治安此去南湖足烟水西風裊初一漁竿

再登岳陽樓

振衣重上岳陽樓萬里風烟接暮秋雁影遠飛衡  
岳出岷濤直下洞庭流殘江剩壘浮兵氣楓葉蘆



花起客愁歌憶滄浪有漁父憂然天地一扁舟

洞庭舟中答贈道州判官朱魯封二首

落葉紛飛日危波下洞庭遠遊輕涉險高唱在揚  
舲縹緲咸池奏依稀帝子靈更煩橫鐵笛醉喝老  
龍聽

自古零陵郡瀟湘一水深漫郎餘故蹟款乃有遺  
音竹葉清猶昨窳樽近可尋吾亭高峙在扶杖幾

登臨

張華輕薄篇  
蒼梧竹葉清

送張司馬使京還沅州

沅江清若許孤艇逐樵風父老傳張詠風流似謝

公粟零酣不淺芷辟虜能同謾說老鴉井丹砂一  
笑空

舟次湘陰二首

湖遙青草幾含情青草湖遙又幾程容易湖光落  
吾手三升風利布帆輕  
曲港重湖次第尋岳陽挂席落湘陰停舟更愛舟  
人語三十六灣烟水深

湘中旅望

湘水波寒木葉疎湘南旅望欲何如衡峰不是能  
迥雁雁到衡陽不寄書



舟發長沙遇雪復留三日四首

旗脚朝看風倒吹，瀟瀟急雪灑江涯。  
不堪三老開頭日，剛是龍公試手時。  
雲中天際兩空濛，暫艤歸舟下釣筒。  
烏笠青簑寄清絕，不妨持謝石尤風。  
風色沿江斷去人，篷窗吟望只逡巡。  
晚來羨殺團沙雁，飛向寒空作陣頻。  
拖筇八景臺邊望暮雪，江天不盡看持報。  
南宮名父子，天公老筆畫家難。

晚發

雨後晴開趁夕陽，迴颿疊鼓急鳴榔。  
鷺黃酒盞傾鄴水，墨江天數雁行。

北湖潭懷張朱二公

喬口乘舟晚帆風，一江晴雪暖初融。  
天呈郊色開殘照，江靜靴紋映遠空。  
風月最宜新霽後，流連惜少故人同。  
不緣醞醑浮香在，今夕何由慰轉蓬。

自益陽至沅江道中雜咏

濱水東流去乘舟，更向西浮邱山色。  
裏青草一湖齊藥，裏炮新刻詩囊。  
檢舊題鄉心宵更切，月上武陵溪。



沅江水阻

川途浩多阻澤國晝長陰凍合湖千頃蕭然雪滿  
林朔鴻孤唳遠楓葉亂愁侵不分嬋娟月猶來照  
夜深

晚泛白沙

白沙洲上掉風露浩將盈入破聞哀笛驚寒落雁  
聲湘醪常自深湖月不勝清醜泊何須問徘徊空  
復情

晚泊澄潭

曲曲重湖淺淺波拍殘銅斗聽漁歌晚來一掉歸

何處萬頃澄潭受月多

三閭大夫廟三首

夏首望無極東門迹已湮故都何處是遺廟此湖  
濱宿莽寒應得秋蘭佩幾緗女嬃惜幾獨那復  
申申

沅湘流浩浩獻歲感南征遂有懷沙恨猶餘哀郢  
情疏麻應後折鴟鳩最先鳴窈窕惟山鬼依稀帶  
杜蘅

猿叫楓林岸離騷意此留至今哀楚些那得畔  
愁瓊佩思公子雲旗事遠遊澧蘭與沅芷搖落楚



天秋

阻風

江行路不極望望感飄蓬鴉起白頭雨舟橫擘岸  
風山川麋子國鐘梵馬王宮懷古思鄉意淒其歲  
暮同

由龍陽至武陵舟中雜興四首

野蓼黃泥岸輕舟狎老漁晴煙看放鴨夜雪聽叉  
魚井白麤供稅田園穩卜居卸帆知未得回首意  
何如

鼎口朝相望秋舡葉、新不愁石齒齒且愛水粼

粼綠橘洲偏斬丹砂迹已陳魚標高插在沽酒莫  
辭頻

洞庭已東逝枉渚復西斜井邑五溪口扁舟水一  
涯土膏滋豆莢物產富棉花莫笑魚蠻子烟波處  
處家

客舟貪利涉風便已干灘村樹浮新霽江雲動晚  
寒渚禽惟有適汀草未知殘蕙蔭青青在誰為作  
珮看

河汭山

枉渚枉人山沙灘歷幾灣迴流見河汭殘雪點孱



顏溪澗緩聞磬松篁靜掩關祇應念佛鳥清囀碧  
林間

秋船曲

首二句查初白詩分作二首予謂合  
作一首於此與之旨尤合因有是作

兩頭彎彎秋子船兩頭纖纖月上弦秋船載得離  
人去月明天上幾回圓

晚泊藍溪口

帆落舟停意淺深月明遙夜伴孤斟一聲哀角起  
何處子成蕭蕭楓樹林

晚泊明月庵下

曾艤扁舟叩石扉月明塢院滿清暉一聲梵響雲

中出十幅蒲帆天外歸茅屋幾家喧水碓蘆花雨  
岸裏魚磯明朝重鼓登臨興茶話流連掃塔衣

歸興二首

半帆風腹飽一掉夕陽斜近指青山曲遙窮碧水  
涯田園歸臘酒風雪到梅花品字柴頭火相將老

歲華

江岸遙千里扁舟吟望中山行黃獨雪溪泛鯉魚  
風村酒醑還賤山田歲又豐卸帆吾計得擬作祝

雞翁

漱浦江口



盤渦岸轉少灘聲一棹夷猶五兩輕寒霧戎戎疑  
作雨洩雲冉冉旋開晴舟迴絕壑聞樵響酒酌深  
宵待月生激浦灣環定何處老漁不見釣艇橫

歸由桃源過白馬渡感舊作

白馬迷方渡青衫失意歸回思十年事真與寸心  
違洞口津難問桃花開又飛清溪三百曲何處占  
魚磯

澗溪道中

春半牂牁水頻添雨後波惡灘渾欲盡疊嶂漫猶  
多竹箭輕舟檝桃花淨綺羅澤家何懊惱奈此鷓

鷓何

暮秋感興

候雁驚風沒窈冥鳧翁曬日滿沙汀人間漁局爭  
樵局天上茶星配酒星如意提携空自舞陽阿歌  
發與誰聽祇應醉卧山中石放眼乾坤一草亭

書蔣蘓齋明府黔苗竹枝詞後三首

供奉遷流後炎荒景物稀誰家新樂府傳唱滿弓  
衣犵鳥遲聲轉蠻花作態飛濟南紀風俗想共彩

毫揮

德州田公撫黔著有黔  
風苗俗二則載黔書

巴渝聽里社款乃發滄浪同是竹枝曲能沾楚客



裳使君美為政能事擅文章盛覽今如作依弟  
子行

簪筆承明直高名萬乘知尚方違給札僻邑屈

牽絲度索懸橦國慘羹釀桂時蘆笙從此聽按節

譜新詞明府纂修 庭屢蒙 思渥 內

九日用東坡超然臺韵

去年九日青門道風衫雨帽旗亭間故人置酒與  
我別雁來賓早吾南還幽薊霜風正淒緊巾車炙  
輶無暫閒蓬餌何從有餽餽崖壑底許留追攀投  
止菽簾親土銚使我顛顛凋朱顏竭來閉門兼削

跡驚心復覩茱萸斑瓜牛廬坐感風雨天公毋乃  
嘲嗇怪耽吟要且意不敗貪飲况復人多頑新晴  
風景看愈好水流碧玉山青鬢窈窕黃花籬落靜  
慘疎喬木風烟環笑口歡開一酪酊起看微月生  
溪灣

歲盡日感作二首

十載飄飄媿此身殘宵回首一傷神艱難生理年  
年賤流轉風光事事新每先春來些子病不隨歲  
盡幾分貧團團剩喜癡兒女共作無生話裏人  
承糟枕麪藉書眠故我今吾年復年朔雪飄殘謝



女絮春風吹墮沈郎錢乾坤醉裏還相笑歲月閒  
中亦可憐愁鬢偶教攪清鏡怪他未老見皤然

為蔣樹存明府題鴻泥軒圖二首

軒臨白水恰名泥兩字拈來玉局題笠屐圖中君  
自認鴻飛偶踏夜郎西

烏目山人圖嶺谷雲烟圖就壓荆關郎中筆墨珊  
瑚在品在米家父子間圖為姚潛潭郎中所寫

後圃種竹皆活喜而作詩用東坡禮曹北垣

下種稗粘韵

春雨作寒食濛濛淡微陰偶此種蒼竹相依如雲

岑野人麋鹿性豈管志養林屋角墮青山常恐紅  
塵侵長身者君子實為俗砭鍼一旦羅而致遂甕  
來知音夕烟露微月朝霏下幽禽可知碧琅玕儻  
重雙南金人生樂嘉遯每謂入山深踰垣興鑿塚  
徒為謝朝簪誰知五畝園別有千秋心匪明有亦  
鳥五色淡黃矜翩躚鳴鏗鏘集此曉陰森他時教  
籜龍直上更十尋結實待棲鸞慈如倍於今風雨  
倘夜作款聽蒼龍吟

初夏閒居用香山郡齋暇日詩韵

銀葉熟鴨鴨掃地北靜坐類性廢掃沐幾日頭不



暮雨初滋苔紋風簷照榴火寂寞道心生迂疎世  
情在寒衾朝寂歷晴絲夕炯却白雲示妙曼青山  
媚鈿柔菊傲煙霞窟擺脫利名錄乞養天隨鴨羹  
逐鴉夷柯浮生滄海五欲常思求聖果游哉物之初  
妙悟眼前墮未鱗玩撥刺修竹對磊砢哇蔬挑論  
科園菜嘗許類但知安寒劣毋為歎輒軻久矣喜  
知吾周旋我與我茶白與筆末位置頗貼妥擁鼻  
吟固佳嚼壁臥亦可

晚過超然堂用米芾清虛堂韵贈木菴

鷓鴣晒翅嬉晴沙黃蜂出房報晚衙綠天乍歇迎

梅雨紫雪紛飛落棟花幽居意緒忽不樂嚼齋欲  
過知誰家北堂去一牛鳴地履聲素素鷓鴣棲鴉行  
飯徜徉行且止繡羊夏綠洞春葩朔方格圖尚未  
已轉轉何日停馬橋發未欲爭猿臂挽沙際如同  
蟹爪爬老僧蕭然自禪悅風爐活火聽煎茶玉版  
要且參旦夕豆粥寧須辦咄嗟吟眉從笑久彌明對  
遙天魚尾拖殘霞

聞彭培松已歸澧州賦寄

大雅久不作澧蘭天一  
方愛君吟五字清絕似襄  
陽罷縣人稱屈脚盃自命狂不知剡中掉幾日洞



庭傍

木菴見過超然堂

超然堂檻敞虛明坐嘯炎天水雪生翠篠陰森通  
雨氣亂蟬寂歷入秋聲松枝挂壁還同捉麩頰當  
鑪好自烹結夏相期仍解夏愛公詩似杼山清

次韵答南垞見寄二首

秋鴻賓萬里清影落瀟湘風雪榆關外山川楚塞  
長馬應三昧大書共五雲將觸迓黃花日雞樽不  
暫忘

竹林欣把臂嵇阮舊遊餘野服無時着枯藤信所

如春風藏社瓮細雨擷園蔬三隱何須校二毛且  
未疎

晚望衆香山

雖寬挂初霽陽鳥斂忽暝衆鳥紛歸來上有樵採  
徑何處衆香山雲中但清磬

再寄南垞

形容真媿列仙儒學道今成學著書椽燭隄塵知  
未得百城南面定何如破窓風雨耿秋夕卷畫溪  
山媚隱居來往羊求舊遊侶不知門巷有迴車

贈木菴



紫氣一山偏雲廊翠影連蕭然白足侶清絕碧雲  
篇花藥圃方丈茶瓜老歲年竹林倘配德何似七  
人賢

簡純上人

支公才不世高卧掩松關詩境妙於靜禪心老更  
閒携瓢臨淺水截竹拄空山吾亦就幽者相尋紫  
翠間

秋晚喜晴

瓜籬豆架雨昏中卧病空堂感候蟲暫倚晚晴江  
埠望水渙花發一叢叢

即事二絕句

落 賸客跡成掃洗盞此獨酌蕭蕭秋雨夕漠漠藤花

外 前林初過雨後圃聊鉏菜何處一蟬聲濛濛水烟

晚霽

魚尾層層剪落霞吟殘逸興晚來奢滿浮注瓮鷺  
黃酒徧賞攢庭白鶴花

觀刈早稻二首

秋雨禾先熟田家願已償酒香須幾日雪色早秔



香

二麥垂將盡三農望久懸最憐百日早香到飯籬

邊名百日早稻最先熟

閑居用柳州晨詣超師院讀禪經韵

挂我竹皮冠脫我薜荔服抽得蒙莊書坐對秋水  
讀門庭何蕭然麋鹿跡相逐野人忘言說但覺來  
往熟隨意具濁醪乘興題青竹身閑謝圭組頭輕  
感櫛沐俯仰兩大間居止五畝足

東山秋興

攀林踏閣恣重遊萬卷巖前碧玉流黃葉徑深蕭

寺古白蘋花老暮江秋豫章人去鴻猶在邈邈仙

歸鶴不留指點石蓮峰下路征帆起處見浮鷗豫章

熊壇石先生寓平建鴻雪館張三峰亦嘗修煉於此

效古

柴門日反關如在空山曲朝雨飲巖壑夕烟散林  
木飢禽噪簷楹覓食馴且熟杳然世慮絕商歌動  
茅屋何處素心人來尋悵幽獨

詠懷

幼輿着屨壑司州遊山澤仕進豈不能清退見標  
格伊予山水人微尚偶然適朝吟飽雲烟晚飯足



魚麥柴門兩版居映帶寒泉碧濛濛青桂花樂此  
清秋夕松床酒熟時悵然念三益

菴齋

菴齋雪色壁面枕青溪曲坐愛修竹林千梢淨寒

晚渡

榔頭小艇渡溪斜接翅紛翻薄暮鴉雨霽乍看秋  
色老碧潭開遍拒霜花

宿山家

山氣空濛過雨昏柴門獨樹幾家村不知松瀑落

何處一夜潺湲聒枕喧

過紫氣山純師方丈

清磬泠泠響竹房指麾如意坐禪床掃除結習詩  
篇少檢點人間憂患長乍向看山飛翠落偶臨洗  
鉢野泉香到來意味閒如許應笑長年有底忙

偶書

齒角元知不兩優畸人偏得與天侔  
醉顏笑看朱成碧病耳愁聞蟻作牛  
戲水鷗無矰繳患隨陽雁有稻梁  
謀人生那得糧長足包裹真為建德遊

夏日小詩二首



林卧謝巾襪先秋納午凉生綃纔半幅水墨滿瀟湘

薤簞淨於拭龍涎香自蒸槐花風過時落盡鶯黃雪

辛丑六月沅州雜詩和蔣樹存明府韵三首

聞道開元尉遷流過五溪謫仙詩句在愁絕夜郎西  
明月寒猶照清猿夜每啼龍標高宴豎春酒幾人携

三年天外使此地駐戎旃早降飛龍馬還乘下瀨船  
羽書馳貴竹凱唱滿雲滇寂寞沅江芷青青獨

可憐

黔楚中分地紛紛百戰場張劉灰燼後老漚此披

猖 聖代兵戎靖邊荒日月光却煩西顧慮飛輓

下襄陽

時詔湖南北各運米十萬石由襄陽至陝賑飢

閏六月三日泊白茅舖夜大雷雨

十日龍標堡頗盡所歷妙看山愛入畫飲酒藉同

調懷抱暫一開世事難自料歸舸溯逆浪微雲澹

孤照甫過惡灘惡手足兩齷齪倏忽礙車雲黥黯

白茅哨驚雷殷若奔飛雨疾於漂俯恐地陷軸仰

畏天失憐何處野人廬鼯鼯竄藜藿恠鳥作兒啼



山鬼向人笑對此夜境惡使我心魂悼定有白髮  
生一夕變年少

暮懷

木脫騷人盡怨秋長江滾滾洞庭流百年歲月供  
多病萬里風塵謝遠遊白霧曉騰山欲老綠波晚  
蹙水生愁此身歸定知何處落日茫茫一倚樓

晚眺

暮藹蒼蒼暝色昏柴門倚杖眺寒原沙汀雁叫西  
風緊藥圃蟲喧秋雨繁落葉滿林樵有徑夕陰沉  
岫燒無痕輞川深趣今非少千載裴王得共論

七月五日接朗州司馬陳仁斯書并寄懷詩

却寄二首

浙浙涼颼撼秋夕多情忽枉故人書月明千里愁  
仍隔人別三秋怨有餘但使常題原上草何妨却  
食武昌魚放衙八百湖山在官樣如君除未除  
見說劉郎歸去後青青不唱竹枝詞那知人似詩  
甚又見官如司馬時會有巴渝聞里社豈無哀  
怨吊湘纍扁舟東下仙源在浩蕩江湖興頗隨

秋懷詩十一首和昌黎韻

南國多嘉樹綠葉光蕤蕤懿彼九畹蘭采采不能



已芳馨雜申椒靡蔓異象耳朱蕤冒紫莖香氣襲  
裾起紉為美人佩瓊玖一何似無人亦自芳汝生  
實可恃空谷罕足音况乃問車軌吾獨此幽尋  
然亦自喜

丹鳥巢岷邱苞采詎顛顛偶琢琅玕實曾集蒼梧  
地笑彼鴟為徒腐鼠食自恣羽毛夫豈同志願亦  
各異終然排雲在世人方汝貴

長安諸貴人妖姬圍靡曼溪山策笠翁松陰就牛  
飯喧寂不同調出處亦異願堂堂昆黎公卑老乃  
多嘆賦命有窮達生人詎止萬惜哉三上書抱玉

非所獻空留感春辭千載增悲怨

秋風高嫋嫋秋水寒凌凌落葉聞哀蟬粘壁見凍  
蠅時物有榮瘁予意無愛憎生年遂褊穢萬事付  
摸稜洄潭有漁父夜火聞搬罾汝莫謾吾拒吾豈  
不汝能

耿耿如有畏悄悄自知警事去萬古暫愁至一日  
永早聞秋氣悲况復秋風猛露井凍銀床曉起汲  
素綆落葉不復掃飲水真自幸一寫貝多言枯坐  
成幽屏

吾聞飛仙車蒼茫凌倒景上有青冥天寒光窺罔



問下有雲泥海萬物一泛梗擾擾黑虬蜉胡為浪  
馳騁頭顱聊女誑四十奉朝請

匣中青芙蓉繡澁土花暗空號雌雄鐵不釋兒女  
憾歌罷掌自擊酒酣亦屢瞰白虹亘若無秋水積  
逾淡我聞古劍俠史策傳豈濫十步忽千里誰信  
畱行暫譬如萬里風已卸竹篔簹倘可行胸懷何  
必事點勘陋哉章句儒家無石與甌

今朝美風日卷書坐前軒小鳥戛然鳴狡兔相追  
奔衆物各自得予意亦忘言陶然命斗酒斟斟寒  
花前山中足橡栗晚食亦可餐想見杜陵翁有客

漫命篇後生邈望古相去年逾千再讀七歌辭使  
我長悽酸時哉幸匡居醉飽獲晏眠遠勝天寶人  
寓居同谷年

青山有蘼蕪淚葉不肯乾美人弄瑤瑟憂若碧琅  
玕絃絕腸亦斷起視月團團寒衣秋未授砧聲滿  
長安城頭烏夜啼傍枕涕汎瀾念此蟾蜍影疾走  
如跳丸朱顏那不衰萬里盼征鞍

霜露凜既降玄蟬寂無聲蕭騷衆木脫徘徊孤月  
明秋士云多悲斯言豈不誠沈腰帶圍減潘鬢霜  
雪盈路遠畏作客時清幸休兵展書坐硯北洗盞



倚南榮憂愁胡為來悵然誰汝令  
清晨攬明鏡朱顏豈長好仙人河上公出世夫何  
早側聞要妙言長生可以保吾將營丹砂顏色潤  
枯槁大藥倘可成萬物安足道

碧山堂詩鈔卷五

玉屏田榕端雲甫著

門人洪其哲明也編次

元日雪

歲朝不暇嬾曉起亟巡簷風雪止還作簾櫳掃又  
霑五精蠶共浴三白麥宜占絕勝謝庭咏空中擬  
撒鹽

題風雨竹

愛竹何人為寫生桃笙穩卧對秋清翩躚素壁疑  
留影浙瀝空庭訝有聲



讀閒居賦彙括成句

平生愛讀閒居賦六枳捷籬是所欣竹木分栽須  
翳藹果蔬雜植有芳芬種荷池蓄魚千里酤酪人  
資羝一羣春稅代耕兼色養優游養拙復何云

辛夷二首

乙鳥初歸辛雉催候桃已傍早桃開小蓮花詫香  
山老錯認胭脂染出來

酒置吟窓不淺歡花開木筆對高攢憑誰為向江  
郎道夢裏何如醉裏看

和柳儀曹田家詩三首

結茅臨東臯行田循南阡竹筧溜清泠泱泱鳴稻  
田東作稍就暇牛背馴烏鳶五穀辨土宜三白驗  
豐年時驅秧馬出兼傍釣車眠古人樂耕釣今人  
胡不然

翳蒼桑柘陰羃歷炊烟曲已見野雲黃更喜秧針  
綠斜日下東臯淺葺正堪牧牛羊應招呼頗與童  
子熟雞犬互鳴攫禽鳥各棲宿自顧食其力誰謂  
沉於陸上期畢租稅下冀充饘粥

軋軋機杼聲漠漠春白夕漉酒酌先酒松火照寂  
歷昨年歲不登連和空倚壁兔絲不可絡斗漿那



上席里正催租來俯首甘督責今者荷皇天春夏  
足霖澤樂歲粒米多未敢委狼藉努力輸公家升  
斗曷足惜落日空林中但愁有虎跡

秋夜有懷南垞諸公

西風吹雁影參差秋律驚心髮欲絲魚鳥飛沉從  
古別雲龍上下幾時隨平生解說逃名好今日方  
知中酒悲遙憶蓬山鈴索動涼宵明月照相思

詩常恨魚鳥別  
一飛復一沉

中秋月三首和東坡韻

雨洗林樾淨瀲灩月生東恍疑白玉盤迸破此夕

中徘徊上牛斗窈窕穿簾櫳清光滿人間了知色  
相空鄰翁亦好事載酒歡相從酒罷輒高歌不叶  
商與宮江遠見流星夜靜聞哀蛩秋氣信云悲吾  
心乃固窮美酒聊復斟良會詎易逢莫笑媿隅詠  
衆樂相于喁

憶昔客京洛懷歸我將別一聞水調歌舉坐為淒

咽

記戊戌京邸中秋  
聽沈緝文度曲事

明月故依然歲華輕一擲緗

榴綠沉瓜飴盤亦未闕但見烏鵲飛疎影亂林樾  
我欲佩笭箬漁舟掉一葉生理從此問往事那可  
說健如黃犢時但知覓棗栗少壯一彈指漸見頭



蘇山堂詩集卷五  
三  
滿雪西風昨怒號使我魂斷絕

明月流清光清光相對清永諧林下趣果此山中  
行世人徒醉飽月出戶已扃病夫獨不眠吟作忍  
飢聲想見謝希逸徘徊千里明音塵易疎闕風雨  
難合并百年雙轉轂萬里一浮萍好事媿吳兒中  
秋無陰晴絃管虎邱山萬緣涕唾輕悵然追昔遊  
俯仰有餘情始蘇有中秋無月虎邱山之謬記  
未中秋同姚治先諸君遊虎邱事

再用中秋見月寄子由韵寄示弟震輿

客散酒盡月正高此時白兔分秋毫清輝滿目飛  
明鏡寒光萬頃崩銀濤仰瞻高處無多子瓊樓玉

宇明於水天上何人洗眼看人間我欲乘風起大  
星小星黃金丸蒼崖古木蚪龍蟠空山夜境靜復  
靜明月流光寒更寒憶昔坡翁臨古汴千燈夜觀  
魚龍變想當醉唱大江東按拍依然鐵綽板登臨  
泗水與南山憶弟心如金石堅青山縱復千里隔  
明月應憐兩地看中天月色看愈好白露泠泠下  
百草得酒歡歌心強壯步月思家人欲老滿院花  
開不似貧惱殺東西南北人小輩何曾輕遠出當  
歸應是悔作客

十六夜再用定惠院月夜偶出韵東諸同志



明日嚴霜初降辰今宵秋月仍圓夜烏鵲飛飛河  
漢高院宇深深風露下中人已怯薄寒多對月猶  
憐清酒瀉留梨風動玉蛆浮蘭麝香飄金粟亞處  
處賞心詩老共年年樂事天公借春秋佳日不我  
私溪山好景憑君謝綠野終期一稜田青茅共結  
三間舍擊鮮膾縷薄勝雪篩香搗辣濃於蔗山中  
日月美且閒世上風波吁可怕勸君且莫賦新詩  
書牆浣壁常遭罵

未即坡  
公詩句

為繡谷先生題憶娘簪花圖二首

解語花簪花更好人看千媚在中央題詩誰擅簪

花格盡寫風流付斷腸

語兒亭自誰家築却扇詩先衆口傳結習祇今除  
得盡不妨重憶散花天

為惲哲長題鐵簫圖

鐵簫主人吾未見有客示我鐵簫圖鐵簫見稀聞  
更罕主人今少古亦無披圖一片麤賓鐵何年剖  
自伊吾廬蛟龍承鼎天地炭陰陽為冶造化爐孔  
圓唇缺不二尺鏤鏤離灑形製殊吁嗟神物有顯  
晦過而問者何人歟長安市兒寶康蘇棄此奚啻  
葭中葦鐵簫主人癖好古寶愛價重千璠璣摩挲



冷艷發光怪饑蛟瘦鬼紛攫擊仁聲武聲一再弄  
雄鳳雌凰相叫呼主人人原簫史輩飽食詎同吳  
市胥洞簫曾授羽衣客審音辨律非龕疎一朝燕  
市獲異寶知音賞音調不孤酒酣耳熱按歌罷還  
同如意碎唾壺鐵簫怨慕亦何有如泣如訴聲嗚  
嗚噫嘻流俗乏真賞但愛折楊與皇琴老我有耳  
聽不得咿啞嘶吼雜嘯呖他日相見急把袖先聞  
鐵君無恙乎莫辭為我振清響松前月下科頭俱  
盡洗從前箏笛耳一曲使我幽懷攄賦詩那得作  
蠻語為君聊復相于喁

匠門督學將發鎮遠雪夜招同朱葯岑韓修  
子憚哲長諸君讌集賦詩誌別依韵奉答

四章

妙義偕抽宣清言共討尋山城曜積雪坐對寒江  
潏重以幽蘭奏泠泠七絃音官閣夜蕭然情移一  
何深

五字叉手成勢若倒滄海雕鏤一不事何處窺真  
宰諸君飲亦酣乘興弄硯塊賞雪古龍門風流宛  
如在

尚書有麴部子墨為客卿秋水淬芙蓉鋒鏑疇能



櫻夫子今大賢座上江南英一觴而一詠永托萬古情

詰朝發大田行旌渺相望自古陽關曲異於小海唱頓令木石心一夕生悲愴安得跨黃鶴遠附飛

雲上

先生寄蘓齋詩約過偏橋須共醉試騎黃鶴上飛雲

附錄原唱

辛丑冬鎮遠試院作

張大受

明珠貴難得寶劍遠莫尋孝廉風雅士相遇澗水潯夏石共唱和渺然絃外音會竒別恨速寒風思何深

山城連日雪官閣環瀛海妙景畫未能點染見

真宰把觴共諸賢胸次豁磊塊梅花暗不知牆角清香在

黃金等瓦礫布衣埒公卿文章托千載萬慮中不櫻吳越攜秀彥荆梁結俊英勿謂老夫老浩歌忘世情

吾將旋貴陽平溪渺相望此別會何時吹簫合清唱寒芳送之子猿鶴意殊愴明朝放扁舟便倚楚江上

贈友人山居

卧月跂雲老歲華空山寂歷景偏賒溪多磐石供



垂釣地擅陽坡好種瓜  
花放徜徉留客醉詩吟宛  
轉向兒誇家貧未必同楊子  
祛惑頻來載酒車

奉和蘓齋寄答匠門訂遊飛雲之作

黔山春暖聞山呼行人躑躅立路隅  
眼前有景道不得飛雲巖不飛雲殊憶從東坡  
地名轉巖谷策馬  
欲進行踟躕眼中如覩千妙麗輕揚綽約為君娛  
匠門先生山水癖身兼仙佛真其徒百里題詩寄  
繡谷衙齋閒寂聞伊唔期過虹橋跨黃鶴飛雲遙  
上雲端趨六合下視輕蠓蟻空山長嘯驚松鱗騶  
鈴不聞脫官樣過眉七尺紅藤扶運租舡開我且

別此遊恨未與之俱百里那知繡谷老朝携木老  
暮犵都牽率尚苦身于役  
時蘓齋奉檄查勘河道  
清興獨賴  
詩追摹二公來黔忽生色新詩絕景天下無

清明後五日鴻泥軒賞牡丹用坡公粲字韵

謝豹啼春風花事過強半相君進姚黃曾發坡公  
嘆竭來廳事居只作郊野玩鋪堂鬪富貴顧影自  
蕭散敢謂別花人幸接裁紅伴齊相但卜晝孟公  
必達且拈詩先試手墨汁鴉翻案百罰倒深盃醉  
語憂及亂忘形畧主賓科頭廢櫛盥齊奴錦步幃  
料理詎容緩隔樹黃栗留一串歌珠貫神情張王



生未肯甘庸懦欲學李貳卿煎酥熟獸炭更乞煖  
金盒投贈忘假館歌止倩復奏酒盡呼再煖憑將  
醉眼纈一發笑齒粲

二月廿七日鴻泥軒賞牡丹詩成觀存夜復  
置燈花下讌集再用東坡定惠院月夜偶

出韵同作

海沉細蕪香撲簾樺燭高燒光照夜愛花有命乞  
與花裙屐婆娑風露下五言纔遣銅鉢催百壺更  
得珍珠瀉國色朝疑卯酒酣天香夜與朱闌亞憶  
向圖中看折枝錢郎妙手寧須借天生我輩不羈

人惜花直得花神謝暝烟起對自朝暉茅簷過賞  
延官舍花陰匝酒氣濃氣味如噉崑崙蔗醉眼  
曹騰翳復明醉膽輪困無一怕明朝快置護花鈴  
隔牆一任黃鸝罵

春暮遊古佛山贈滄田上人蘓齋瞿圃同作

古老之壘古佛山凌霄紺宇開青蓮山頭古佛何  
年古白毫光湧青螺旋我來紅藤携七尺僧衣一  
帶歷水田塵埃抖擻一徑上登頓足力將窮焉長  
林巨壑莽蘄蔽天梯石磴相鈎連下有哺鷲墮枝  
雀上有噴沫飛流泉老松離立盤五鬣千章萬章



高刺天足險二分垂在外拜經臺瞰蛟龍淵肺腑探奇盡此地龍蛇起陸悲當年

於古老坐者數千人後因追度始建此刹塗毒鼓已聞遠近尸陀林豈

哀烏鳶風鈴滿院靜不語棲禪絕頂良安便師有

法師客都講一時支許紛何賢麥顆茶煎穀雨過

貓頭笋茁千頭駢野干何必問說法玉版聊喜能

參禪解衣林間磅礴羸貪捉坐席忘歸鞭逆風香

聞何馥爾念佛鳥語能欣然山巔林杪問歸路欲

下不下斜陽懸諸公擊鉢鬪險語燈下對聳彌明

肩那知氣壓劉師服復有謝眺驚人篇

鷓鴣歌

地老天荒見烏鬼腥涎風色難向邇碧眼睽睽相

嫵媚長喙鋒稜互角拮捕魚沒水賽白獺儼同部

曲聽麾指鐵溪兩岸束一線謹詎雷轉聞十里漁

舟銜尾掉百葉同時篙雨攢天起鷓鴣精神大於

身兩翅未鼓口先哆翻身直下三千尺盤渦撒烈

亂魴鯉魚蠻身手鬪矯捷迴篙蕩漿疾飛矢鷓鴣

趁勢幾出沒天地黥黯色不喜舡頭播鼓尾扣舡

萬槩千戈壯壁壘大魚脫逃十二三紅肌朱鬣半

摧毀小魚戢戢倒啣出銀花炫耀篷艙裏村童笑



倒翁發狂拍手兩岸助喝采須臾追捕魚亦盡鷓  
鷃餘怒勢未已魚蠻挨柁回向岸大魚易酒小易  
米鸞刀斫鱠糝薑茆酒人醉飽鷓鷃餒鷓鷃鷓  
捕魚乃如此一鱗半鬣勿靳爾空虛好在魚蠻子

暮春山居

雀乳雞鳴白板扉叩門剥啄客來稀老盆初熟茅  
柴酒野服還裁薜葉衣樂志久懷公理論灌畦甘  
息漢陰機空山何處負苓者乞得黃精與療飢

郊行即事

夕照下平楚長空一雁過秋聲著樹急暝色起山

多歲稔方遺穗時清且息戈往還有田父共醉意  
如何

詠情詩四首

劈開蓮子寧無臆著盡楸枰未有棊白玉貯心金  
裏淚豈惟紅豆有相思

錦瑟年華偏不少落花時節更無休水波蹙綠山  
攢翠未抵眉峰相向愁

渺渺山河常不隔茫茫歲月浩難禁盡憐盧女筐  
桑日肯信吳兒木石心

語本英雄偏自麗情如兒女却為閒縱饒俠客常



多俠須信頑仙未是頑

秋晚

天容淨水水浮天目送飛鴻落照邊如向顧家圖  
畫裏手揮叔夜五條絃

九日二首

古來愛重九不負是閒居剩客無還往柴門自掃  
除黃花三徑日白雁幾行書天遣酬佳節真成酌  
酹餘

濁醪持未得千載憶陶公今日還重九閒居對菊  
叢九華服自好五美咏能同最是陶然處尊中差

不空

楚江即景

雲外依稀辨數峰烟江兩岸下烏篷船頭跛脚一  
壺酒身在河陽畫本中

芷江閒步偶作

久客厭拘束緩步烟江潯文漪明遠目緒飈散煩  
襟天氣既妍暖景物亦蕭森淘河爭沒水剖葦競  
巢林隔葉黃栗留現皖鳴好青養疴遂微尚行樂  
愜幽尋世事無足好樂志良所欽榮叟老帶索願  
言同此心



山寺宿

北宿村墟裏招提境自殊松風涼襲袂巖溜碧通  
厨不染蓮千葉爭肥芋一區待教殘雪夜得共嬾  
殘無

客歸見梅

護持深謝主林神無恙梅花態尚新乞與草堂鬪  
風雪一枝香破瓮頭春

林塘即事

鴨頭綠漲鶯黃酒愛弄鶯兒與鴨雛一畝方塘半  
間屋不禁清興滿江湖

寒食日感舊作

昔遊如夢雨如塵何處行歌有好春荆楚歲時上  
冢日襄陽耆舊姓龐人酒壚未遠風流在柳絮爭  
飛物色新不向山邱憶華屋羊曇猶恐浪沾巾

悼殤二首

嬉戲纔看少長如騎羊未既簸錢初朝來反袂空  
成泣怕對階前同隊魚

光悅每憐今歲日妍華更憶去年時花紅雪白常  
如故腸斷崔娘醜面辭

溪行口占



為愛溪行好微風放小舟青山多似畫盛夏只如  
秋野渚繁紅蓼清波點白鷗晚來明月上髣髴弄  
珠遊

風雨夜泊

野興寄滄浪泛舟入烟霧微陽澹若無白雨疾如  
注偪仄天一線靉靄雲四布浪舟戛砢旬風篷捲  
錯愕上巖聚狐獾跳擲向人住下潭穴蛟蜃呀呷  
爾何怒野岸墮榛莽荒寒不知處佩圖無豁落腰  
箭乏大羽儻然蝸蝸逢何以魑魅禦百感集蒼茫  
愁坐明星曙

晚過水心巖

水心高處轉孱顏一片征帆杳靄間乍起白雲蒼  
欲合礬頭知是董源山

過橫石

解纜發下雋東下橫石灘亂石觸奔濤衝風激狂  
瀾十里滔天流洶於海波寬扁舟坐餽飢簸蕩不  
得安推篷起顧望氣奪暑亦寒風波一何惡行路  
一何難哀鳥巢野戍陰晦鳴辛酸青山插劍鋌一  
曲且百盤險過呼斗酒斟酌不成歡迴車古所重  
徘徊坐長歎



辰河舟中

牂牁東下辰沅水青山一髮二千里疊嶂屢屨高  
入雲亂石翳鬢躡若鬼萬派千支天上來輓雷轟  
電相喧逐乍疑千仞呂梁壑又如五月瞿塘堆大  
灘小灘三百六駮駭雪浪高於屋如此風波不可  
行自古毒淫那忍觸扁舟一日幾驚心山長水遠  
無知音安得爰生吹笛起援絃一和武溪深

自水心巖至清浪灘得詩五首

穿心石接水心巖石盡玲瓏巖半嵌今古幾人登  
絕頂猿猱細路長松杉

入甕出甕甕子洞無月有月明月庵吾輩半生多  
險涉人間何處不幽探

峰巒遠近不一狀氣象朝昏有萬千乞取何人施  
大手南山蒼藁退之篇

奔雷殷山山欲摧迴風撼波波倒迴神鴉幾點恠  
相逐清浪灘聲瀟瀟來

猿啼不斷昭靈廟爲站猶遺新息祠曳足心情從  
古少懷沙哀怨幾人知

九磯

北溶東上橫石灘灘高浪湧心魂寒舟子奮趾移



一武勢如負石登山難風色未平波又起九磯一  
瀉勢千里濤洶如海波如山迅疾駛於奔馬駛險  
惡驚心可奈何人間何處無風波扣舷聊發小海  
唱蹋浪新翻銅斗歌歌罷仰天意慷慨破浪乘風  
氣什倍敢將此日波濤輕料得平生忠信在

晚至瀘溪

朝發高沱灣暮溯武溪水溪行路不極幽意何窮  
已疎林散瀟照秋色暮千里雞犬何處邨魚鹽數  
家市鷓鴣嬉晴沙拍拍忽驚起晚風泠然善擄聲  
夏未止何時釣槎頭便得坐沙尾

聞蛩

兩岸紛何意陰蟲太苦鳴微風相斷續落日故淒  
清冷雁天邊唳哀猿峽外聲離心悲共此搖落幾  
魂驚

桐灣夜泊

兀坐篷窻裏蕭條旅思孤灘高風色緊石啣浪花  
麤湖海身千里乾坤水一隅晚涼見明月戍角數  
烏烏

思暘郡齋觀王子松作畫六言

雨葉風枝寫竹丁頭鼠尾皴山坐久君方盤礴日



長我亦消閒

寄蔣瞿圃思暘郡齋

昨登踞勝臺尊酒共徘徊今泛熊溪水烟霧相縈  
迴臺高猶在望一水何由隔如聞姑蘓人吟詩山  
月白

和冀耐菴太史秋雨讀陶三首

秋雨積晦朔秋陰失旦晚庭階上水衣門巷斷車  
韃曩哲緬風流吾意篤繾綣斯人非吾徒古道何  
日返無懷葛天民時哉與我遠

昔我遊京華冠蓋紛駢闐亦有遊俠兒乘秋獵野

田腰箭金僕姑躍馬錦鞍韉一晒聚飛蚊過耳悲  
野煙念此枕書卧樂哉聽潺湲

恢台初變夏搖落悲風起幽居觀大化懷抱澄於  
水堯舜受陶鑄神人一糠粃我慕柴桑人兼愛東  
籬蕊三復止酒作一契無絃旨

鎮遠和寇鐵峰壁間韻

鐵溪碧溜急潺湲鐘磬青龍古洞邊曉角霜天聞  
野戍懸幢度索見江船清秋鴻雁流哀響落日樓  
臺隱暮烟悲撫孟勞歌慷慨婆娑安顧影也相憐

送朱永斯歸南海三首



南園盛風雅藉甚五先生吾子後來秀能追正始  
聲詩篇愁漫與心跡笑雙清換米家風在應須織  
屨成

五載雄溪客巖窺萬卷書綠文爭二酉赤字映三  
餘鴻雪空遺館萍蓬少定居石蓮峰下路回首意  
何如

結髮事行役家居亦偶然聞君動歸興遙望海南  
天南粵跡多古稽含狀幾傳會期同噉荔一問蛋  
人船

迎春花

詩情暈碧與裁紅重碧拈來盡不空好在迎春花  
賞處試燈風又落燈風

晚晴

雨脚垂空斷不斷日車卓午明未明黑雲如墨山  
頽處獵獵晚風開斗晴

百五節

東門縱有無憂日龐老偏多上冢時一片紙錢飛  
送處東風吹上野棠枝

首夏村居即事

新綠園林景物嘉牛宮開處滿桑麻日斜漁鮑微



添浪春盡醪醪始見花隣近漸多鞭過笋松高未  
瘦旅生茶田家樂事如何許更聽烏鹽一笑譁

初夏

醪醪連日醉餘春梅子朝來遂有仁笋類貓頭綱  
乍脫槐如鼠耳葉初勻養身縱讓支離叟觸熱難  
為褊襪人老屋數椽清淨退不知京洛有風塵

雜詩三首

香蘭生隱谷發色誠猗猗莫服白云芳不採何所  
虧豈不惜幽獨無人終歲甦當門迺見鋤棄置如  
枯穠

甄視異所任大小義則均龜策定所從長短理莫  
陳圖設戒歌噐車轉慎隻輪安用市邱鼎烹鷄羞

明神

庸人馭駑馬敝策不能進窮老駕嚙膝馳騁何由  
奮王良為執靶尾鬣始一振萬里逐遺風一似憐  
神駿

送蔣繡谷由餘慶之朔州六首

十載南荒吏詩歌興未衰釣藤酣野釀樂府唱新  
詞犵烏翻山鷓蠻花綴刺黎播州居亦得劉柳不  
曾知



中華迴望好古佛有留踪落葉不知處清溪復幾  
重招邀出猿鶴窈窕入雲松記得微吟興婆娑一  
短筇

聞有池塘夢常憐春草生西頭今日屋東府昔人

情

謂瞿

風雨愁羈旅蠻荒感合并連床相對夜何

似在彭城

飛雲一片石絕景幻西南危磴看巖瀑疎鐘度月

潭幼輿真可著彌勒與同龕仙佛身兼處三峰海

上參

飛雲巖前有三峰時新繪飛雲巖看瀑圖成

大夏通今日寧勞鑿空求湟中無飲馬徼外服旄

牛高讌關山月悲歌鴻雁秋龍堆連馬邑遙識散

邊愁

夜郎五尺道雲樹渺相望關塞九邊險風烟萬里

長晉祠遙駐馬陰館早飛霜憑仗南來雁殷勤慰

斷腸

### 送瞿圃歸吳門

和歌窮鄙社叩盆日相聞解后東坡老相從小馮

君萬里隨牒來拓地架桴焚鴻泥與墨紫清絕泥

江濱幽侶踵羊求名士羅紀羣一官古播地雲霧

晝不分幾見文場帥却掃千人軍先生五總龜手



操郢人斤每吐一語妙便異俗所云當其下筆頃  
疾雷走砒礮鑪薰熟篤耨茶烟交氤氳一卷濟南  
詩蟲魚採甍紛僕也供校讎古學昧皇墳先生謂  
可教誨言鼓鼗鼗譬如吹劍首一呖聊所欣郎君  
愛家雞時勞書練裙應勝阿戎談不數童烏文兩  
年文字飲懷抱展殷勤冬別衣滿雪夏聚幙飛蚊  
竭來忽過我歸舟沿湘鄖五溪迅劈箭洞庭浩無  
垠挂帆正高秋鴻雁翔紛紛吳中山水窟草木含  
清芬先生角里儔不顧世上勲釘盤橘飽霜上箸  
尊爛銀抗跡五湖長萬物徒紛紜嗟予抱孤陋一

編老蠹芸歌苦何足惜知音良所僅先生倘既歸  
孰與度夕昕木葉下蕭蕭溪波響沄沄惆悵一盃  
酒揮手愁斜曛

十五夜用昌黎集中韵述懷感舊呈二三知  
已

恢台節序變搖落草木紛然失榮盛老我讀書秋  
樹根千林黃葉朝相映平生鷁退今蠖屈與人無  
爭物無競譬若當鑪鬻餅人渭城一曲嗚嗚咏一  
年秋色恰平分中天明月先端正索居肺病且兼  
旬三蕉葉飲誰能更楊子不遇倘知時劉峻固窮



猶辨命騰騰任運運騰騰委心造物失其柄披裘  
帶索歌三樂我得為人歡且慶石蓮回首浪仙居  
草木烟霞皆可敬七返丹唱尚依稀三神山望偏  
遼窻何處五圖啟金記自古千鍾堪上聖一日若  
得聖賢兼此身何異仙佛并澤雉不斲蓄樊中飲  
啄要自若其性蠅虎得雋技徒勇雀豹相殘機太  
橫野人抱瓮獨何為遶畦日喜蔬芽迸爽氣鮮新  
天宇佳月明滿目飛明鏡清景悵然追昔遊團簇  
歌場嚴酒政啁啾獨鳥念其羣井梧撼撼霜風勁  
天涯良會更何時醉翻襪衫拋小令

送王廣文淡菴乞休歸里

雞號漏將盡夜行卒未休蚤歲賦歸田簪笏戀白  
頭豈惟猿鶴怨巖壑乃蒙羞先生青雲器筆妙枚  
與鄒同學多少年車駢馬秋秋仕宦為令僕車從  
擁八駟先生抱大材小用人所恟七十說不行立  
談取封侯自古困時命賢聖不自謀先生默會此  
俯仰無怨尤甘心官獨冷不顧無會憂邇來更肆  
志一官輕毛輜歸興山色濃乖厓那能留辭滿詎  
多秩謝病年正道先生有如此愧殺抱官囚

野泊聞鐘



萬古雲根萬壑偏一篙清漲碧浮天月明野寺定  
何處百八鐘聲聲到船

觀刈早稻

天氣新涼又老晴閒居飽飯得閒行入秋剛道無  
三日風響連秬處處聲

送潘大川登舟

澧朗望不極雄溪渺烟水柔櫓一鳴時行人去何  
已



